



Zur
Gräfl. vom Hagen'schen
Majorats - Bibliothek



MÖCKERN
gehörig.

N^o 1411



5
ORDINIS IVRECONSULTORVM

IN

ACADEMIA HALLENSI

H. T.

DECANVS

SIMON PETRVS

GASSERVS, ICT.

POTENTISSIMO BORVSSIAE REGI A CON-
SILIIS INTIMIS VT ET BELLICIS ET DOMA-
NIAL. IVRIVM ET RERVM OECONOMICO-
CAMERALIVM PROFESSOR ORDINARIVS SCA-
BINATVS IN DVCATV MAGDEBVRGICO
ADSESSOR

LECTORI BENEVOLO

S. P. D.



Edem Musarum Helicon Parnassumque montes constituunt quo ipso indigitare sine dubio voluit ingeniosa antiquitas, artes liberales, quæ a Musis inventæ creditæ sunt, non nisi cum cura ac multa industria addisci posse: Quæ enim natura alte constituit, difficilius paulo acquirimus, quam quæ in trivis ac passim reperiuntur: Pari modo in republica bene constituta honores, ad quos Musæ mansuetiores ducunt, non facile deferuntur nisi merentibus; Inertibus, desidijs, abdomini natis, verbo, indignis ac immerentibus penitus valere iussis: Inde *l. 14. C. de re milit.* hæc verba leguntur: *Quia honoris augmentum non ambitione sed labore ad unumquemque convenit deuenire:* Neque absque ratione apud Romanos ædes Virtutis ac Honoris ita positas fuisse puto, vt teste Symmacho *l. Ep. 14.* non nisi per ædem Virtutis ad ædem Honoris aditus fuerit; certo indicio, quod honor sit virtutis

tutis præmium ac incitamentum. Forte etiam ad ostendendam literarum dignitatem & diuinam originem Musarum sedem in montibus collocauere veteres, quoniam in illis diuini quid residere sibi persuadere gentiles; idcirco eum primis in montibus Deos, quibus se hac ratione proprios esse credebant thure ac sacris propitiare amabant, id quod vel solus sacer codex abunde loquitur; ita vt haud vice simplici vel ipse populus Israeliticus ad ethnicorum superstitiosa prolapsus; vtut alias hic in montibus sacrificia faciendi mos neque Patriarchis, qui eo ipso verum ac solum Deum colebant, insolitus fuerit, sicuti pariter sacra nos docet pagina; & quis nescit, quanta in montibus beneficia tam in Veteri quam Nouo fœdere exhibita fuerint generi humano? Sic decalogus promulgatus est in monte Sinai: Templum Hierosolymitanum erat in monte Moria exstructum: Elias in monte miracula edebat *1 Reg. XIX, n.* ipse optimus Saluator conciones suas montanas habebat ad populum de salute æterna, quam demum, quoad extremos actus in diuersis montibus stabiliiuit & firmauit, ita vt mihi admodum sit opinabile, quandam de hac Dei œconomia & ritibus Israelitarum sacrificandi, sub obscuram famam ad gentiles promanasse, qui deinde secundum suam theologiam peruersam, sicuti de aliis historiis biblicis e. g. de diluuiio & historia Promethei notum, interpretati ac imitati sunt omnia. Horatius *lib. 3. od. 4.* Musas de cœlo descendisse canit: Virtutes enim, affectiones animi & similia, quia maiorem aliquam vim in rebus humanis habent, sub fictis nominibus Deorum Dearumque cultas fuisse in

in gentilismo, certum est. Nos meliora edocti hæc omnia in meliorem usum conuertere scimus; ac primum quidem Prouidentia diuinæ acceptum ferimus, quod Serenissimo Conditori hanc mentem indiderit, vt hic loci Parnassum, quem Musæ adeant ac habitent, instruere ac exornare voluerit, & quidem verum Parnassum ac montem Pieridum, cum, vt notum, vrbs in montem ac vallem desinat, lætamur quoque quod adhuc doctrinas salutis æque ac omnium bonarum artium, quibus iuuenilis ætas impertiri potest, intemeratas ac solerter tradi videamus, ita vt neminem, qui saltem oculum ad metam dirigit, hoc sapientia Prytaneum adisse pigeat. Documento præmissorum iam sit

Prænobilissimus ac Doctissimus Dominus

GOTHOFRED. FRANCISCVS EHRENBERGIVS

qui vel solo nomine commendabilis sui que honestam insinuat opinionem legenti: Nomina enim haud raro habent sua omnia: id quod hic Noster exemplo suo comprobare potest, in quo nomen semper & mores ita harmonice conspirarunt, vt neutrum vlllo tempore mutare habuerit. Ita semper se gessit, sicuti Cic. lib. 1. de Offic. Virum honestum delineat, in verbis: *Homo autem, qui rationis est particeps, causas rerum videt earumque progressus, similitudines comparat & rebus præsentibus adiungit atque annectit futuras; facile totius vite, cursum videt, ad eamque degendam preparat*



res necessarias, eademque natura vi rationis hominem conciliat homini & ad Orationis & ad vitæ societatem. Imprimis hominis est propria veri inquisitio atque inuestigatio; idcirco auemus aliquid videre, audire acdiscere: cognitionemque rerum aut occultarum, aut admirabilium ad bene beateque viuendum necessariam discimus. Et paulo post: sentit qui sit ordo, quid sit modus: pulchritudinem, constantiam, ordinem in consiliis factisque conseruandum putat, cauetque ne quid in decore effeminatene faciat; Quibus ex rebus constat & efficitur, id quod quærimus honestum. Hactenus Cicero; sed vt per partes eamus, natus est hic Noster Islebiæ An. 1707. die 31. Maii Patre IOANNE ANDREA EHRENBURGIO Viro amplissimo honestissimo, ac amico nostro ab annis academicis vsque carissimo, Sacr. Mai. Polon. Commissario Camerae ac Quæstore, in comitatu Mansfeld. & matre AGNETA MARIA MITGAVIA, quorum optimorum parentum cura simulac per ætatem licuit, primum Scholæ patriæ formandus traditus ac succedentibus annis cum primis Scholæ Rectoris Reineccii informatione, postea in Scholis priuatis a Magistro quodam Philosophiæ, Riemero in literis humanioribus institutus est, ac colophonem addidit in eo studiorum genere, sine cuius præsidio altiora temere petuntur, in Schola Portensi, ad quam suorum suafu se contulit, hic omnibus carus ac perdilectus dimissus, Musas Lipsienses salutare adeoque altioribus, vt aiunt, studiis se dare apud animum constituit, inter quas per tres & quod excurrit annos summa cum laude versatus est, temporis rationem prudenter habuit, certus, quod hora ruat, & quæ semel præterita, nullo ære redimi queat; Consuetudinem nul-

lam

Iam habuit, nisi cum iis, qui probitatis ac diligentiae laude conspicui. Doctores Clarissimos sibi elegit doctores studiorum: ac sicuti per Philosophiam ministrantem reliqua altiora studia rite initiantur, ita huic cum primis suam operam nauavit in Illustri academia Lipsiensi ex traditis Rudigeri, illique simul Collegium Institutionale interprete D. Conrado adiunxit: Doctrinam Pandectarum vero hausit in scholis B. Menckenii Icti consummatissimi, Historiam S. R. I. apud Dominum Mascouium Virum celeberrimum & Franckensteinium audiuit, neque quod ad iuris publici prudentiam pertinet praetermisit, quippe quam ad ductum Hornii ex ore ordinarii grauissimi Dni Griebneri, vt & institutiones pract. ab eod. percepit: Pariter iuris canonici arcana didicit: Iuris feudalis interpretationem accepit a Dni. D. Baue-ro, vt scholas priuatissimas taceamus: atque ita negari non potest, quin familiare omnino cum Musis habuerit commercium; Deinde vitam academicam, hanc insignem vitae periodum, clausit specimine publico, dissertatione nimirum, quam sub praesidio Cl. Dn. Rechenbergii, *de locatione conductione quae fit a principe*, habuit; Inde Dresdam discessit, vidit aulam, & quid haec distet scholis; praeprius vero vt qua ratione in foro agatur, iam penitus paulo inspiceret, quo sine manu ductione D. Vogelii, Viri in foro versatissimi, fere per annum integrum usus est. Demum ad nos accessit, eo animo, vt ex hac Musarum sede, braebum quod virtus eius meruit, & quo dignus est, ferat. Admissus est ad examina consueta, in iisque optime stetit, vt vnanimi consensu ad reliqua progymnasma-

nasmata non potuerit non admitti. Proinde proximo die, quæ erit XII. Apr. horis consuetis dissertationem inauguralem, *de genuino colore possessionis* publice e cathedra defensus est. Cui actui solenni ut Magnificus Dominus PRO-RECTOR, illustr. CANCELLARIUS, Illustriss. Comites, Barones, Patres Academiae conscripti, Proceres, Mystræ, Cives Academici, omnesque literarum æstimatores interesse huncque diem sua præsentia honestare velint, decentissime inuitantur. Dab. e museo Dominic. Palmar. MDCCXXIX.





00 A 6346

TA-01

ULB Halle 3
002 840 979



f

Rehe ✓







ORDINIS IVRECONSULTORVM

IN

ACADEMIA HALLENSI

H. T.

DECANVS

SIMON PETRVS
GASSERVS, ICT.

POTENTISSIMO BORVSSIAE REGI A CON-
SILII INTIMIS VT ET BELLICIS ET DOMA-
NIAL, IVRIVM ET RERVM OECONOMICO-
CAMERALIVM PROFESSOR ORDINARIVS SCA-
BINATVS IN DVCATV MAGDEBVRGICO
ADSESSOR

LECTORI BENEVOLO

S. P. D.

